

TARIKH	10 / 9 / 2012	SEKSYEN	Nasional
MUKA SURAT	1-20	RUANGAN	Negara

## Bakal haji Kuala Muda dapat sumbangan

**SUMBANGAN.** Jawatankuasa Pembangunan, Kebajikan dan Pengurusan Fardhu Kifayah Tanah Perkuburan Islam Sungai Petani menghulurkan cenderahati kepada 320 peserta Kursus Haji Perdana 2012 yang berlangsung di Masjid Muzafar Shah, Sungai Petani baru-baru ini.

Sumbangan disampaikan oleh pengerusi jawatankuasa itu, Ali Yahya merangkap Penyelaras Parlimen Sungai Petani.

Turut hadir, Setiausaha jawatankuasa itu, Zainol Abidin Abdul Hamid dan Pegawai Tabung Haji Daerah Kuala Muda, Shabudin Abu Bakar.

Menurut Ali, sumbangan itu adalah sebagai tanda ingatan kepada bakal-bakal haji yang akan berlepas ke Mekah pada 17 September ini.

"Kami berharap kesemua peserta dapat menunaikan ibadah haji dengan sempurna," katanya.



ALI (dua dari kanan) bersama bakal-bakal haji pada majlis penyampaian cenderahati di Masjid Muzafar Shah, Sungai Petani baru-baru ini.